

Na osnovu čl. 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije Bosne i Hercegovine“, br. 12/03, 34/03 i 65/13), člana 45. stav 1. Zakona o Pravobranilaštvu – Novi prečišćeni tekst („Službene novine Kantona Sarajevo“, br. 33/08, 7/12, 44/16 i 45/21), a u skladu sa članom 17. Odluke o Pravobranilaštvu Općine Centar Sarajevo („Službene novine Kantona Sarajevo“, broj 32/10, 50/15 i 10/17), te člana 9. Pravilnika o unutrašnjoj organizaciji Pravobranilaštva Općine Centar Sarajevo broj: 14/Op-08-1/23 od dana 20.09.2023. godine, Općinski načelnik raspisuje

J A V N I O G L A S

IMENOVANJE ZAMJENIKA PRAVOBRANIOCA OPĆINE CENTAR SARAJEVO

NAZIV POZICIJE:

Zamjenik pravobranioca Općine Centar Sarajevo - 1 (jedan) izvršilac –imenovanje se vrši bez ograničenja trajanja mandata

OPIS POSLOVA:

Poslovi i zadaci zamjenika Pravobranioaca su poslovi i zadaci nosilaca pravobranilačke funkcije i utvrđeni su Zakonom i Pravilnikom o unutrašnjoj organizaciji Pravobranilaštva Općine Centar Sarajevo i to:

- a) poslovi preduzimanja pravnih radnji radi pravne zaštite imovine i imovinskih interesa pred sudovima i drugim organima, kao i u drugim slučajevima zaštite imovine i imovinskih interesa Općine Centar Sarajevo kada je za to ovlašteno zakonom, i ima položaj stranke u postupku;
- b) poslovi preduzimanja pravnih radnji radi pravne zaštite imovine i imovinskih interesa, javnih ustanova i drugih pravnih lica čiji je osnivač, odnosno suosnivač Općina Centar Sarajevo, po zahtjevu osnivača, odnosno suosnivača;
- c) poslovi zastupanja organa i pravnih lica iz tačke gore navedenih pod tačkom a) i b) u svim sudskim i upravnim postupcima;
- d) davanje pravnih mišljenja prije zaključivanja ugovora imovinsko-pravnog karaktera;
- e) kontrole zakonitosti zaključenih ugovora imovinsko-pravnog karaktera i ugovora o otkupu stanova;
- f) davanje pravnih mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Općine Centar Sarajevo;
- g) davanje mišljenja Općinskom vijeću Centar Sarajevo u postupku raspolaganja gradskog i građevinskog zemljišta;
- h) obavljanje i drugih poslova i zadataka iz nadležnosti Pravobranilaštva utvrđenim zakonom i drugim pravnim propisima.

Zamjenik pravobranioca vrši poslove iz djelokruga Pravobranilaštva Općine Centar Sarajevo koje mu odredi Pravobranilac. U zastupanju pred sudovima i drugim organima zamjenik Pravobranioaca ima ovlaštenja Pravobranioaca.

OPĆI USLOVI (na osnovu člana 22. Zakona o Pravobranilaštvu KS i člana 7. Zakona o ministarskim, vladinim i drugim imenovanjima u FBiH):

- Da je državljanin Bosne i Hercegovine;
- Da je stariji od 18 godina;
- Da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od tri godine prije objavljivanja javnog oglasa;
- Da nije obuhvaćen odredbom člana IX. stav 1. Ustava Bosne i Hercegovine;

POSEBNI USLOVI:

- VSS/VII, završen pravni fakultet, (diplomirani pravnik ili bakalaureat/bachelor prava sa ostvarenih 240 ECTS studijskih bodova Bolonjskog sistema studiranja);
- položen pravosudni ispit;
- poznavanje rada na računaru;

- da ima iskustvo u radu na imovinsko - pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju od najmanje tri godine nakon položenog pravosudnog ispita;
- da je radeći u državnim organima i pravnim licima stekao ugled pravnog stručnjaka i da posjeduje najviše moralne osobine za obavljanje poslova zamjenika Općinskog pravobranioca;
- da nije osuđen za krivično djelo ili privredni prestup koji predstavlja smetnju za imenovanje na poziciju zamjenika Općinskog pravobranioca;
- da se protiv kandidata ne vodi krivični postupak;
- u skladu sa članom 26. stav 2. Zakona o pravobranilaštvu KS na mjesto zamjenika Pravobranioca ne može biti imenovano lice koje vrši inokosnu funkciju ili je član izvršnog tijela političke organizacije, te u skladu sa članom 5. Zakona o ministarskim, vladinim i drugim imenovanjima u Federaciji Bosne i Hercegovine, na mjesto zamjenika Pravobranioca također ne može biti imenovano lice koje je na funkciji u političkoj stranci.

Uz prijavu na javni oglas kandidati su dužni priložiti:

- Biografiju, adresu i broj kontakt telefona, svojeručno potpisanu;
- Diplomu o završenom pravnom fakultetu;
- Uvjerenje o položenom pravosudnom ispitu;
- Izvod iz matične knjige rođenih;
- Uvjerenje o državljanstvu ne starije od šest mjeseci;
- Uvjerenje o radnom iskustvu nakon položenog pravosudnog ispita;
- Uvjerenje da kandidat nije otpušten iz državne službe kao rezultat disciplinske mjere, u periodu od tri godine prije objavljivanja javnog oglasa (za one koji su u navedenom periodu radili ili još uvijek rade u državnoj službi) ili ovjerenu izjavu da nije radio u državnoj službi;
- ovjerenu izjavu da kandidat nije obuhvaćen članom IX. stav 1. Ustava Bosne i Hercegovine;
- ovjerenu izjavu da kandidat ne vrši inokosnu funkciju niti je član izvršnog tijela političke organizacije u skladu sa članom 26. stav 2. Zakona o pravobranilaštvu, odnosno da nije na funkciji u političkoj stranci kako to propisuje član 5. Zakona o ministarskim, vladinim i drugim imenovanjima u Federaciji Bosne i Hercegovine.

Kandidati koji se nađu na listi za uži izbor sa kojima će se obaviti intervju, dužni su dostaviti uvjerenje da se protiv kandidata ne vodi krivični postupak.

Uvjerenje o neosuđivanosti za krivična djela koja po zakonu predstavljaju smetnju za rad u državnim organima-Pravobranilaštvu, Općina Centar Sarajevo pribavit će službenim putem.

Dokumenti koji se prilažu moraju biti originali ili ovjerene kopije.

Po završetku izborne procedure, imenovani kandidat dužan je dostaviti ljekarsko uvjerenje o zdravstvenoj i radnoj sposobnosti, prije preuzimanja dužnosti zamjenika Općinskog pravobranioca.

Odluku o imenovanju zamjenika Pravobranioca Općine Centar Sarajevo donosi Općinsko vijeće.

Prijave sa traženom dokumentacijom o ispunjavanju uslova oglasa dostaviti lično u zatvorenoj koverti ili putem pošte preporučeno sa naznakom: „Prijava na javni oglas za imenovanje zamjenika Pravobranioca Općine Centar Sarajevo“ na adresu: Općina Centar Sarajevo, Mis Irbina 1, Sarajevo 71000;

Javni oglas ostaje otvoren 15 dana od dana objavljivanja u „Službenim novinama Federacije BiH“, a bit će objavljen u dnevnim novinama „Dnevni avaz“, i dostupan na službenoj WEB stranici Općine Centar.

Kandidati sa liste s užim izborom bit će pozvani na intervju.

Nepotpune i neblagovremene prijave neće se razmatrati.

OPĆINSKI NAČELNIK

Srđan Mandić, s.r.

Broj: 10-45-616/25

Datum: 20.08.2025. godine